

**ԱՐՄԱՎԻՐԻ ՄԱՐԶԻ ԱՐԵՎԱՇԱՏԻ ԳՅՈՒՂԱԿԱՆ ՀԱՄԱՅՆՔԻ ՂԵԿԱՎԱՐԻ
2013ԹՎԱԿԱՆԻ ԱՇԽԱՏԱՆՔԱՅԻՆ ԳՈՐԾՈՒՆԵՈՒԹՅԱՆ ԿԻՍԱՄՅԱԿԱՅԻՆ**

ՀԱՇՎԵՏՎՈՒԹՅՈՒՆ

Արմավիրի մարզի Արևաշատ համայնքի ղեկավարը, ղեկավարվելով «Տեղական ինքնակառավարման մասին» Հայաստանի Հանրապետության օրենքի և դրանից բխող այլ իրավական ակտերի պահանջներով, 2013թվականի հունվարի 1-ից մինչև հունիսի 30-ը ընկած ժամանակահատվածում իրականացրել է որոշակի աշխատանքներ՝ ստորև ներկայացվող հետևյալ բնագավառներում.

Տես շերտ էր. 47 ծագ.

1. Զաղաքացիների և տնտեսավարող սուբյեկտների իրավունքների բնագավառ:

- Համայնքի բնակիչների օրինական շահերը պաշտպանելու նպատակով հանդես ենք եկել տարբեր միջնորդություններով մարզպետարանում, Վաղարշապատի տարածքային ստորաբաժանումում, նոտարական գրասենյակում, քաղաքացիական ակտերի կացության ակտերի գրանցման բաժնում, սոցիալական ծառայության բաժնում, ոստիկանության բաժանմունքներում, զինվորական կոմիսարիատում և այլ կազմակերպություններում:
- Կատարվել է համայնքի բնակիչ հանդիսացող 101 քաղաքացիների ընդունելություն, քննարկվել է տարբեր բնույթի հարցեր, առաջարկություններ, որոնց մեծ մասին տրվել է դրական լուծում

. 2013 թվականի ստացին կիսամյակի ընթացքում բնակիչներից ստացվել է 29 դիմում, որոնց ժամանակին տրվել է պատասխան:

- . ստացվել է 56 գրություն
- . ուղարկվել է մարզպետարան, անշարժ գույքի կադաստրի ստորաբաժանում և այլ կազմակերպություններին 57 գրություն
- . կայացվել է համայնքի ղեկավարի 9 որոշում, ավագանու 4 նիստ
- . արձակվել է 4 կարգադրություն
- . բնակչությանը տրամադրվել է տարբեր բնույթի 196 տեղեկանքներ
- . աշխատակազմի միջոցով կատարվել է համայնքի 4 ընտանիքների ընտանեկան նպաստի համակարգում փաստագրման աշխատանքներ, ինչպես նաև համայնքի բնակչության ամենամյա սեռատարիքային հաշվառման աշխատանքներ
- . կազմակերպվել է համայնքի գրքերի , գործավարության մատյանների, արխիվային գործի, տարբեր բնույթի հաշվետվությունների , տեղեկատվությունների, հաշվապահական հաշվառման և այլ պաստաթղթերի կազմման և վարման գործընթացը
- . աշխատակազմի միջոցով օժանդակվել և անհրաժեշտ փաստաթղթեր է տրամադրվել համայնքի բնակիչներին տարբեր ֆինանսական կազմակերպություններից և բանկերից գյուղատնտեսական, բնակարանային, շինարարության և այլ վարկեր ստանալու նպատակով

2. Ֆինանսների բնագավառ

Համայնքի ավագանու նիստի հաստատմանն է ներկայացվել 2012 թվականի Արևաշատի համայնքի բյուջեի կատարման տարեկան հաշվետվությունը:

Մեծ ուշադրություն է դարձվել համայնքի բյուջեով նախատեսված բյուջեի եկամուտների հավաքագրմանը, տնօրինել բյուջեի ֆինանսական միջոցները, ապահովվել դրանց նպատակային օգտագործումը, ստորագրվել բոլոր ֆինանսական փաստաթղթերը:

- Բյուջեի եկամուտների գծով 6 ամսվա կատարողականը կազմում է 97,4 %, որից
 - հողի հարկ 90,0 %
 - գույքահարկ 77,1 %
 - տեղական տուրքեր 90,6 %

3.Քաղաքաշինության և կոմունալ տնտեսության բնագավառ

- քաղաքացիների դիմումների հիման վրա կատարվել է հողամասերի չափազորման և սահմանների ճշտման աշխատանքներ:
- դաշտամիջյան ճանապարհների փոսայցման աշխատանքներ, կատարվել է նաև կուտակված շինարարական և կենցաղային աղբի մաքրում և տեղափոխում աղբավայր
- իրականացվում է կանոնավոր աղբահանություն համայնքի բնակելի ամբողջ տարածքում, շաբաթը 1 օր: Աշխատավարձը տրամադրվում է համայնքի բյուջեից:

4.Պաշտպանության և հասարակական կարգի պահպանության բնագավառ

Աջակցություն է ցուցաբերվել զարնանային զորակոչին, զինկոմիսարիատի ստացված ծանուցագրերը հանձնվել են զորակոչիկներին, իսկ բացակաների համար տրվել են համապատասխան տեղեկանքներ՝ նրանց մոտավոր գտնվելու վայրի վերաբերյալ

- 10 պատանիներ զորակոչվել են ՀՀ բանակ:
- ՀՀ Բանակից զորացրվել են ծառայողներ և սահմանված ժամկետում հաշվառվել զինվորական կոմիսարիատում

Մեծ շուքով ենք նշել կանանց միջազգային օրվան նվիրված ցերեկույթը:

Մայիսի 9-ին համայնքի կենտրոնում գտնվող զոհվածների հուշարձան կորողի մոտ կազմակերպվել է հաղթանակի և Շուշիի ազատագրման օրվան նվիրված միջոցառում, հատկացվել է դրամական օգնություն Տոյա Ավետիսյանին, Վոլոդյա Հարությունյանին և Խաչիկ Սահակյանին:

- Մայիսի 28-ին մասնակցել ենք Մարդարապատում կատարվող միջոցառմանը:

Մշտական օժանդակություն է ցուցաբերվել համայնքի տարածքը սպասարկող ոստիկանության Էջմիածնի բաժնի աշխատակիցներին, հասարակական կարգը պահպանելու, վարչական և քրեական իրավախախտումները բացահայտելու և կանխելու նպատակով:

- Ոստիկանության աշխատակիցներին պարբերաբար տեղեկատվություն է ներկայացվել համայնքում ժամանակավոր բնակվող անձանց մասին:

5. Հողօգտագործման և գյուղատնտեսության բնագավառ

- Կատարվում է համայնքի վարչական տարածքում գտնվող հողերի հողային հաշվեկշռի կազմման աշխատանքներ, համագործակցելով մարզպետարանի հող վարչության և կադաստրի տարածքային ստորաբաժանման հետ
- Մատուցվել է մասնագիտական խորհրդատվական-ծառայություն համայնքի հողօգտագործողներին, բույսերի ճիշտ մշակման հիվանդությունների դեմ պայքարի, ոռոգման ժամկետների ու եղանակների, ստացված գյուղ մթերքների վաճառքի ու մթերման գործընթացում
- Հունվար ամսին կատարվել է համայնքի տարածքում գտնվող անասունների հաշվառում և ներկայացվել վիճակագրական ծառայություն, նախատեսված ժամկետներում կատարվել է խմունո կանխարգելիչ միջոցառումներ
- Իրականացվել է համայնքի գյուղատնտեսական մշակաբույսերի, ցանքատարածությունների բազմամյա տնկարկների տարածքների հաշվառում և տվյալների ներկայացում վիճակագրական ծառայություն:
- Համայնքին հատկացվել է 35 տ. ագրտական պարարտանյութ, որը բաժանվել է բնակչությանը:

6. Առողջապահության, ֆիզիկական կուլտուրայի և սպորտի բնագավառ

- Համայնքում գործում է մեկ բուժ. ամբուլատորիա, որը սպասարկում է համայնքի բնակիչներին
- Բուժ ամբուլատորիան ապահովված է նոր սարքավորումներով
- 2013 թվականի առաջին կիսամյակի ընթացքում բուժ.ամբուլատորիայի ընդունելությունը կազմել է 2967 այց, որից՝ 1856-ը 18 և բարձր տարիքի, 838-ը մինչև 18 տարեկան երեխաներ
- Կանխարգելիչ նպատակով այցերը կազմել են 1146
- Կանխարգելիչ պատվաստումները կազմել են 942
- Գրանցվել է 149 տնային կանչ, ներառյալ նորածինների այցերը
- Կատարվել են լաբորատոր - գործիքային հետազոտություններ
- Համայնքում գործում է ֆուտբոլի խումբ, որտեղ մարզվում են 30 պատանիներ / մարզիչ՝ սպորտի վարպետ Ժորա Անդրեասյան/, որոնք մասնակցել են բազմաթիվ մրցաշարերի, բարձր առաջադիմություն են ցուցաբերել և ստացել պատվոգրեր:

7. Կրթության և մշակույթի բնագավառ

1. Համայնքում գործում է մեկ միջնակարգ դպրոց: Աշակերտների թվաքանակը՝ 208: Կազմակերպչական հարցերով աջակցություն է ցուցաբերվում միջն. դպրոցի բնականոն գործունեությանը: Գյուղապետարանի աշխատակազմի միջոցով ծնողների հետ տարվող բացատրական աշխատանքների արդյունքում դպրոցից խուսափող և պարտադիր ուսուցումից դուրս մնացող երեխաներ չկան:
2. Կազմակերպվել է երգի, պարի, ասմունքի բազմաթիվ միջոցառումներ նվիրված մայրության, հաղթանակի, երեխաների պաշտպանության, ՀՀ անկախության օրվան: Գյուղապետարանը մասնակցել է դպրոցում կազմակերպված բոլոր միջոցառումներին և ցուցաբերել է կազմակերպչական օգնություն:

8. Սոցիալական հարցերի բնագավառ

Համայնքի բնակիչներից ստացվել են դիմումներ, սոց. օգնություն տրամադրելու մասին և 16 ընտանիքների հատկացվել է դրամական օգնություն: Գրամական օգնություն է հատկացվել նաև համայնքի ծնունդ և մահ ունեցող 10 ընտանիքներին:

9. Առևտրի սպասարկման բնագավառ

Սահմանված կարգով յուրաքանչյուր եռամսյակ վերահսկողություն է իրականացվել համայնքի տարածքում գործող խանութներում՝ ժամկետանց ապրանքների վաճառքը կանխելու ուղղությամբ

Տրվել է ոգելից խմիչքների և ծխախոտի արտադրանքի վաճառքի ֆրոյլոտվություն

Համայնքն ունի չլուծված շատ խնդիրներ, որոնք գյուղապետարանի միջոցով հնարավոր չէ լուծել, նրանցից ամենակարևորներն են՝

1. Ռոռզման ներտնտեսային ցանցի կառուցում:
2. Մանկապարտեզի շենքի կառուցում:
3. Մշակույթի շենքի հիմնանորոգում:
4. Խմելու ջրագծի ներտնտեսային նոր ցանցի կառուցումը և կանոնավոր ու ամենօրյա ջրի մատակարարում :

Այսօր Արևաշատ գյուղն ու գյուղացին շատ հոգսեր ու խնդիրներ ունի, որոնցից ամենակարևորը համայնքում մանկապարտեզ ունենալ և ռոռզման ներտնտեսային ցանցի կառուցումն է: Համայնքում մանկապարտեզ ունենալը դարձել է երազանք: Իսկ ներտնտեսային ցանցի կառուցումով կվերանա ջրի կորուստը և կիջնի ջրի ինքնարժեքը:

2013 թվականի համար բազմաթիվ աշխատանքներ ենք նախատեսել, որոնք կավարտենք մինչև տարեվերջ:

ԱՐԵՎԱՇԱՏԻ ՀԱՍՏԱՅՆՔԻ ԳԵՎՈՐԳՅԱՆ



/Մ. ԳԵՎՈՐԳՅԱՆ/